

ՄԵԾԱՀՈԳՈՒԹՅՈՒՆ

Հատված Անդրե Կոմթ-Սփոնվիլի “Մեծ առաքինությունների մասին համառոտ քննախոսություն. Իմաստասիրության օգտագործումն առօրյա կյանում” գրքից (Լոնդոն, Վիլյամ Հեյմեման, 2001թ., ֆրանսերենից անգլերեն թարգմանված Քեթրին Թեմերսոնի կողմից):

Andre Comte-Sponville, (trans. Catherine Temerson), *A Short Treatise on the Great Virtue: The Uses of Philosophy in Everyday Life*, (London: William Heinemann, 2001).

Մեծահոգությունը^a տալու առաքինությունն է: Սակայն, ի տարբերություն արդարության, որը պահանջում է տալ “յուրաքանչյուրին ըստ արժանվույն”, մեծահոգությունը նշանակում է ուրիշին տալ ոչ թե նրան պատկանելիքը, այլ քոնր^a որից նա զուրկ է: ... Անշուշտ, երկուսն էլ^a արդարությունն ու մեծահոգությունը, վերաբերում են այլոց հետ մեր հարաբերություններին: ... Մեծահոգությունը, կարծես, ավելի առնչվում է սրտի կամ խառնվածքի հետ, արդարությունը^a մտքի կամ բանականության: Մեծահոգությունը չի նշանակում գործել այս կամ այն օրենքի համաձայն: Այն նշանակում է անել ավելին, քան օրենքի պահանջն է, առնվազն ավելին, քան մարդկանց օրենքների պահանջն է և գործել լոկ սիրո, բարոյականության և միաբանության պահանջներին համապատասխան:

Միաբան լինելը մի խմբի մաս կազմելն է^a այնպիսի խմբի, որն ամբողջական է: Լատիներենում “solido” բառը “ամբողջական” է (որից անգլերեն և այլ եվրոպական լեզուներում “solidarity”: *հայերենի թարգմանչի ծանոթագրությունը*): Այստեղից էլ, Ֆրանսիական օրենսդրությունում, պարտապաններն անվանվում են “solidaire”^a երբ միասնաբար են պատասխանատու պարտքի համար: ...Միաբանությունը, նախ և առաջ համախմբվածության, փոխկապվածության, շահերի համընդհանրության կամ ընհանուր նպատակի իրողությունն է:

Երկուսից մեկը պիտի լինի: Կամ համայնքը իրոք համայնք է, որը գոյություն ունի այնպես, որ ուրիշներին պաշտպանելիս պարզապես ինքս ինձ եմ պաշտպանում (այստեղ դատապարտելի ոչինչ չկա, բայց նման գործունեությունն ավելի շատ բխում

է անձնական շահերից, քան թե պայմանավորվում է բարոյականությամբ), կամ էլ համայնքը պատրանքային է, վերացական կամ գաղափարական, այնպես, որ հանուն ուրիշների իմ պայքարն այլևս միաբանության խնդիր չէ (քանի որ պայմանավորված չէ իմ անձնական շահերով), այլ արդարության կամ մեծահոգության (արդարության^ա եթե ուրիշները ճնշվում են, զրկանքների ենթարկվում կամ հարստահարվում, և մեծահոգության, եթե վերը նշված վիճակը չէ, այլ նրանք պարզապես թույլ են կամ դժբախտության մեջ են): Այլ կերպ ասած, միաբանությունը կամ չափազանց եսասիրական է, կամ չափազանց երևակայական, որպեսզի առաքինություն լինի: Այն կամ անձնական շահերի ճշգրիտ իմացության խնդիր է, կամ էլ սխալ մեկնաբանված մեծահոգություն:

Միաբանությունը կարող է իրոք մեծահոգություն լինել, եթե այն վեր է անձնական շահից, ընդհանուր շահերից, այլ կերպ ասած^ա միայն եթե վեր է միաբանության շահերից: Եթե այլոց օգնելը մեր շահերից է բխում, ապա մեծահոգի լինելու կարիքը չէինք ունենա, պարզապես այդպես կանեինք: Այն փաստը, որ այդպես չենք անում, կամ անում ենք փոքր չափով, ապացուցում է, որ մենք այդպիսի արարքներն իրականում չենք դիտում որպես մեր շահերի բաղադրիչ և, այդպես ձևացնելով, դառնում ենք կեղծավորներ^բ Ոչ այն պատճառով, որ դժվարանում ենք տեսնել կամ հասկանալ, այլ այն պատճառով, որ մեր սրտերը վատն են, որովհետև եսասեր են. ավելի շատ մեծահոգությունից ենք զուրկ, քան հասկանալուց:

Քո եկամտի քանի^ո տոկոսն ես տրամադրում նրանց, ովքեր քեզնից ավելի աղքատ են, կամ նվազ հաջողակ են, քան դու: Հարկերը հաշիվ չեն, որովհետև պարտադիր են, նաև մի հաշվեք ընտանիքին կամ մտերիմներին տրամադրածը, քանզի ավելի շատ սիրով, քան թե մեծահոգությամբ է պայմանավորված այն ինչ անում ենք իրենց համար (ինչը մենք անում ենք նաև մեզ համար, քանի որ իրենց երջանկությունը նաև մեր երջանկությունն է): Իսկ կարո՞ղ ենք իմանալ, թե այն չնչինը, որ մենք այնուհանդերձ անում ենք, բխում է արդյոք մեծահոգությունի՞ց, թե՞ սուսկ միջոց է բարոյապես հանգիստ լինելու համար, դառնալով այն փոքր գինը, որ վճարում ենք, որպեսզի մեր խիղճը հանգիստ լինի:

Ինչպես գրում է Ժանկելևիչը, “Չնայած կարող ենք տալ առանց սիրո, գրեթե անկարելի է սիրել առանց տալու”: Բայց ուրեմն սե՞ր է դա, թե՞ մեծահոգություն: Այնուամենայնիվ, այն գաղափարը, թե մենք մեծահոգի ենք մեր երեխաների հանդեպ,

երբեք մտքովս չի անցել: Մենք պարտավոր ենք մեծահոգի լինել նրանց հանդեպ: Մենք չափազանց սիրում ենք մեր երեխաներին, չափազանց մտահոգվում ենք նրանց համար, ուստի այստեղ առաքինություն տեսնելով, միայն կմոլորեցնենք մեզ: Ինչ որ իրենց համար ենք անում, միաժամանակ անում ենք մեզ համար, ինչու՞ պետք է առաքինության կարիքը զգայինք: Մերը բավարար է, այն էլ ի՛նչ սեր: Ինչ վերաբերում է մյուս տեսակ սիրուն^ա եսից վեր եղած սիրուն^ա սրբերի կամ օրհնյալների սիրուն, վստահ չեմ, թե մեծահոգությունը կարող է դրա մասին մեզ շատ բան ասել, կամ թե այդ սերը կարող է մեզ մեծահոգության մասին շատ բան հայտնել:

Մեծահոգությունը, ինչպես ասեցի, տալու առաքինությունն է^ա դրամ տալու (որի դեպքում այն հանգում է առատաձեռնության), կամ անձնվիրությունն է (երբ այն արդեն դառնում է վեհանձնություն, կամ նույնիսկ անձնագոհություն):

Ըստ Դեկարտի, մեծահոգությունը, դա անձի կողմից իր ազատության գիտակցումն է (կամ անձի ազատ և պատասխանատու լինելու գիտակցումը) և հաստատուն որոշումն է այդ ազատությունը ճիշտ օգտագործելու վերաբերյալ: Ուստի, գիտակցություն և ինքնավստահություն^ա ազատ լինելու գիտակցություն և այդ ազատության օգտագործման ինքնավստահություն: Սա է պատճառը, որ մեծահոգությունը ինքնագնահատման արգասիքն է: Դեկարտը մեծահոգության մեջ տեսնում է ոչ միայն բոլոր առաքինությունների ակունքը, այլև “յուրաքանչյուր անհատի գերագույն բարեսրտությունը”, որն, ըստ նրա, բաղկացած է “լավն անելու հաստատուն կամքից և դրա արդյունքում առաջացած գոհունակությունից”:

Իսկական ընկերները, նշում է Մոնթենը. “չեն կարող միմյանց որևէ բան տալ կամ ի պահ հանձնել”^ա ... “ամեն ինչ, փաստորեն, ընդհանուր է նրանց միջև”:

Իր ձևով, մեծահոգությունը, ինչպես և մյուս առաքինությունների մեծ մասը համապատասխանում է Աստվածաշնչյան պատվիրանին: Մակայն կարո՞ղ ենք իրոք սիրել մեր մերձավորներին, ինչպես ինքներս մեզ: Եթե հնարավոր լիներ, մեծահոգության նպատակը ի՞նչը կլիներ: Եվ ինչքանո՞վ է արդյունավետ սերը պատվիրան դարձնելը, եթե անկարող ենք հետևելու այդ պատվիրանին: Միայն գործողություններն են ենթակա պատվիրաններին: Ուստի, պատվիրանի պահանջը ոչ թե սիրելն է, այլ սիրո չափանիշներով գործելը^ա վերաբերվել մերձավորին կամ անձանոթին այնպես, ինչպես կվերաբերվենք մեր սիրեցյալներին: Պատվիրանը

թելադրում է ոչ թե զգացմունքներ կամ հույզեր^ա որոնք փոխանցելի չեն, այլ արարքներ^ա որպես այդպիսիք:

Ողջ աշխարհը մի բեմ է, և ապրել նշանակում է դեր խաղալ: Բայց այս մարդկային կատակերգությունում դերերն ու խաղացողները հավասարապես լավը չեն: Շեքսպիրյան իմաստության համաձայն, բարոյականությունը գուցև դերակատարում է, բայց չկա որևէ լավ ներկայացում, որն ինչ-որ ձևով բարոյականության հետ առնչություն չունենա: Ծիծաղելուց կամ լացելուց ավելի լուրջ կամ իրական բան գոյություն ունի[՞]: Մենք ձևացնում ենք, բայց սա խաղ չէ: Մեր հետևած օրենքները մեր զվարճանքի համար չեն: Նրանք են մեզ դարձնում այն, ինչ որ ենք^ա լավ կամ վատ իմաստով: Յուրաքանչյուրս մի դեր է խաղում, բայց այդ դերը մեզ համար յուրահատուկ է: Եվ հիրավի, դա ավելին է, քան դերը, դա մեր կյանքն է, մեր պատմությունը՝ Սրա մեջ կամայական կամ պատահական ոչ մի բան չկա: Մենք դառնում ենք այն, ինչ որ ենք^ա մեր կյանքի փորձությունների միջոցով:

Մեծահոգությունը մեզ կոչ է անում տալ^ա սիրո բացակայությամբ, հենց այն մարդկանց, ում չենք սիրում և տալ այնքան, որքան նրանք կարիք ունեն, կամ որքանով մեր ներուժը թույլ է տալիս իրենց օգնելու: Իսկապես, երբ սերը մեզ ուղեցույց չի հանդիսանում, որովհետև չենք զգում այն, առաջնորդվենք անհրաժեշտության ու մերձավորության զգացումով: Ոմանք սրան զթասրտություն են ասում, բայց դա սխալ է (քանզի իսկական զթասրտությունը սերն է, իսկ կեղծ զթասրտությունը^ա ողորմածությունը կամ խղճահարությունը): Դա պիտի մեծահոգություն կոչվի, որովհետև այն մեզանից կախյալ է, միայն մեզանից, որովհետև այս իմաստով ազատ է, որովհետև^ա ի տարբերություն բնագոյների, ուեցվածքի ու վախերի լուծի, այն հենց ազատությունն է^ա հոգով և գործով: Մերը ավելի լավ կլինեք, անշուշտ, որից էլ եզրակացվում է, որ բարոյականությունը ամեն ինչ չէ, ոչ էլ էականն է: Սակայն մեծահոգությունն այնուամենայնիվ ավելի լավ է եսասիրությունից, իսկ բարոյականությունը^ա անտարբերությունից:

Անձնական առավելությունը ավելի հանգստավետ պայմանների կամ ավելի երկար ապրելու մեջ չէ, այն հնարավորինս ավելի ազատ ապրելն է^ա ըստ հնարավորին իսկությանը համապատասխան: Հավիտյանս ապրելը չէ նպատակը, որովհետև այն անիրագործելի է^ա նպատակը լավ ապրելն է: Իսկ ինչպե՞ս կարելի է դա անել առանց համարձակության և մեծահոգության:

Ըստ Հյումի, եթե մեծահոգությունը բացարձակ տիրապետող և տիեզերական լիներ, արդարության կարիքը չէինք ունենա և, ինչպես տեսանք, այդպիսի պայմաններ հնարավոր է պատկերացնել միայն վերացականորեն: Մյուս կողմից էլ, պարզ է, որ արդարությունը, նույնիսկ երբ հաստատված լինի, չի կարող փոխարինել **մեծահոգությանը, որը՝ չնայած նվազ անհրաժեշտ է հասարակությանը, քան արդարությունը, սակայն ավելի թանկ է, ըստ իս, մեր մարդկայնության տեսանկյունից:**

Եզրափակեմ, նկատելով, որ մեծահոգությունը, ինչպես բոլոր մյուս առաքինությունները, բազմազան է և՛ բովանդակության առումով, և՛ այն անվանումներով, որոնք օգտագործվում են այն նկարագրելու համար: Համարձակության հետ զուգակցվելով, այն դառնում է հերոսություն: Միանալով արդարությանը՝ դառնում է անաչառություն: Համատեղվելով կարեկցանքին, դառնում է բարեսրտություն: Ողորմածության հետ մեկտեղ՝ ներողամտություն: Սակայն նրա ամենագեղեցիկ անունը իր գաղտնիքն է, մի բաց գաղտնիք, որի մասին գիտեն բոլորը. մեղմության հետ միասին, այն կոչվում է **բարություն:**